

PANEGYRICVM  
CELEBERRIMÆ VRBIS ANTVERPIENSIS  
C V M  
IVSSV SACRI SENATVS  
PRÆCIPVI DOCTORES MEDICI  
ERIGERENT  
PHARMACIAM  
CLARISSIMAM ARTIVM LIBERALIVM  
REGINA M.

1660.

A NVERSA an verfa es ? rutilas velut altera *Phæbo*  
*Coa* potens, medicis multiplicata viris.  
Omnibus exsuperans, non versa aduersa tulisti,  
Atque ita nunc rutilas sic sicut intus eras.  
Intus eras cumulata bonis, vt balsamus orbis  
Vt phenix Arabis *Imperialis* auis.  
Omnibus ex oris in te datur omne venustum,  
Et quæ sunt *Charitum*, cælitus omne bonum.  
Si bona naturæ intuear pulcherrima rerum es,  
Si bona fortunæ, nulla secunda tibi.  
Cætera quid referam ? virtutes congeris omnes,  
Gratia magna poli, gloria magna soli.  
Sed sicut in puro fulget carbunculus auro  
Sic nitet in solio *Pharmacopeia* suo.

In

In solio quoniam genuinæ *Artes Liberales*,  
Hanc sibi *Reginam* iure habuere suam.  
Cum qua cuncta valent, sine qua prodeſſe nequibunt,  
Cum qua conſtabunt ſtante, cadente cadunt.  
Quam bene formatum, Sacro mandante Senatu,  
Firmarunt Medici principe in Hypocrate.  
*Grammaticus*, *Rhetor*, *Logicus*, *Geometra*, *Pictor*,  
*Musicus*, *Astrologus* diligit artis opus.  
Jam vegeti, atque hilares current ad ſcamna Scholares,  
Dum ſua *Grammatici* grammata prima legent.  
Cygnæa lætè cantabunt voce *Poëta*,  
Musica dulcisonè, flamine, voce, fide.  
Non Amaranthæum mutuabunt picta colorem,  
Viuidus aſt Medici confluet arte color.  
Securus merces mittet mercator ad Indos  
Et numero innumeras multiplicabit opes.  
Lydius inuentus, ſecuræ inuenta ſalutis  
Est petra, *Philosophus*, non puto, Zelotypus.  
Florebunt *Sophiæ* partes, ac docta *Matheſis*,  
Cui thesis, ut Medico, ſit microcosmus, homo.  
Jura *Magistratus*, ſacro veneranda, cothurno,  
Congrua dictabunt, & ſua cuique dabunt.  
Sancta *Sacerdotes* regales dogmata ſpargent,  
Voce Euangelica, clarificante tuba.  
Et ſic de reliquis, vbi *Pharmacopeia* in honore,  
Cætera cælesti rore, & amore beat.

f

Finio

Finio cum voto votorum totius Orbis,  
Floreat immensos Pharmacopeia dies.  
Viuite diu Proceres, Doctores viuite cuncti,  
Non sinet, ô Medici, vos Medicina mori.

### CHRONOGRAPHICA.

F Loreat regIna MeDICIna antVerpiensIs.  
MVsicæ InsatIantes DeLitIæ:  
ELementares pICtorIæ DIVItIæ:  
geoMetriCaLI VIslone Dioptra:  
IngeniosItatIs MVnDanæ LogICa:  
AstroLogIæ non DIMInVta sClientIa:  
rhetorICa fVnDaMentaLIs perorationIs gratIa:  
FLorentIa, In Vna regIna MeDICIna:  
arte & IngenIo sophIa, aC LVDIMagIstra.

Accinebat

Pastor suburbius

SIMON DE CLERCO.

EN